

廣東圖說

廣東通志

陸
豐
縣
圖

陸豐縣圖

三十二度半

三十二度半

西半度


西半度

揭陽縣界

普甯縣界

惠來縣界

惠來縣界



西一度

長樂縣界

海豐縣界

海豐縣界

○西村

東浩

半三三
度十

三二
度十

陸豐縣

縣治在府城東三百五十里漢龍川縣地晉以後爲海豐縣地
國朝雍正九年分置陸豐縣

城周三百二十一丈高二丈五尺東南濱河無濠

雞籠山城東一里

鵝山城東五十里西爲產田汎南爲長山東南爲燈籠山又東
南爲虎千山又東南爲陳婆山

陂溝山城東六十里有陂溝山墟西北爲三合嶺汎

光山城東一百二十里東爲圭湖汎南濱大海

五峯山城東南六十里五峯突起狀如五指有環田巷

海甲山城東南八十里有海甲汎

虎頭山城南三十里有大虎小虎皆以形似名有金廂石汎

東山城西南二十里西南爲埼頭墟西界海豐縣

湖口山城西十五里有沙塘汎

河圖嶺城西北三里北爲員山

法嶠山城西北二十里有法嶠塘汎

大旂山城西北二十里狀若飛旐故名南爲石頭山

巖前山城西北二十五里怪石嵯峨大小千百峰巖洞深不可

測南爲烏面山又西南爲法嶠山

石梯山城西北五十里東南爲西山嶂南爲南輦山又南爲劍

嶺西界海豐縣

西山嶂城西北六十里高峻特拔狀若峨眉東爲老虎山

手睜嶺山城西北六十里西界海豐縣

顯水山城西北九十里西界海豐縣

犁壁阬山城西北一百二十里萬山羅列千仞壁立中有一徑可攀而上其巔巨石林立有石巖可容數人

烏墩山城西北一百三十里西界長樂縣

羅經壩山城西北一百四十里西界長樂縣

分水凹城西北一百五十里東爲南嶺兩山相連最爲險僻

弔旂山城北三十里西爲蕉阬

風門凹城北三十五里東南爲伯公凹

風吹嶺城北五十里東爲珠窰西南爲風門凹

大安山城北五十里有大安汎

冷羊嶺城北一百四十里最爲險僻北界長樂縣

坎鍾山城北二十里諸山絡繹皆赴縣治東爲鵝池山西爲

神山

響山城東北三十五里西爲鵝池山兩山相連南有牛母湖汎

葫蘆輦山城東北四十里西爲中和嶺又西爲獅子嶂

獅子嶂城東北四十里西爲伯公凹

伯公凹城東北四十里左右高山惟此凹平伏橫直如帶

鳳凰圖說卷二十一
四
筆架山城東北四十五里一名鷹弔山卓立三峰形似故名西
爲響山

八萬山城東北五十里東爲內洋山南爲筆架山

中和嶺城東北五十里東爲葫蘆峯山西爲獅子嶂

內洋山城東北五十里巨石對峙循徑而入山澗屈曲明賊楊
子亮嘗據之北爲十八尖山西北爲西嶺東界惠來縣

老軍嶂城東北六十里東爲下龍潭上龍潭南爲中和嶺

九鳥山城東北八十里海東諸山發脈於此羣峰環矗有九十
九尖之稱北爲火山

火山城東北八十里東爲閻羅磴西南爲大溪峯山西北爲上

螺角

翁子嶂城東北九十里北爲官田嶂東界惠來縣

官田嶂城東北九十里東界惠來縣

大溪嶂城東北一百里西南爲赤灰徑又西南爲雞棲院

豬麻嶂城東北一百一十里南爲許山嶂兩山相連有河田汎
崙嶺城東北一百一十里東北爲三口池山

三口池山城東北一百一十里

平門逕山城東北一百二十里北爲湯輦逕山東界普甯縣

湯輦逕山城東北一百三十里東界普甯縣

葵頭嶂山城東北一百五十里東爲觀音凹山北界長樂縣

觀音凹山城東北一百五十里西北界長樂縣東北界揭陽縣
內河水源出縣東北葵頭嶂西南流經楓林口白石塘水自東
北來注之又西南流經圳口村深渡水自西北來注之又西南
流經野鴨村河田墟水自東北來注之又屈東南流經石溪子
后溪水自東北來注之又屈西南流經黃竹阮吉石溪自西北
來注之又西南流經翰田鄉石坡水自西北來注之又西南流
經大安汎深阮水自西北來注之又西南流經塔兜分三派東
派東南流經龍山又屈西南流經縣城東南又西南流經烏墩
鄉鹹水溪自東北來會鹹水溪源出縣東北筆架山西南流經
牛湖汎又西南流經塋尾市長山水自東北來注之又屈西北

流經鰲頭溝涌口水自東北來注之又屈西南流經金廂石汎
又西南流經烏墩汎爲烏墩港與內河水東派會內河水東派
又西南流入海內河水中派屈西南流經河圖嶺又西南流經
縣城西又西南流經上英塘又西南流經下汪塘又西南流入
大德港有礮臺內河水西派屈西南流過沙塘汎又西南流經潭
涌墟法嶠山水自西北來注之又西南流經新開溪又西南流
經東山又西南流大德港自西北來會大德港源出海豐縣東
南流入縣西南崎頭墟又東南流與內河水西派會二源會合
又東南流經大德汎又東南流與內河水中派會三源會合又
東南流入海

上沙墟水源出縣東北赤嶺西南流繞三口池山復合又屈東北流經黃羌墟又東北流入普甯縣西南境

草洋水源出縣東北十八尖山東南流經草洋汎又東南流經

紅花山鷓鴣阨水自西南來注之又屈東北流經鹿角頭山爲

華清港又屈西南流經甲子城東南鹹水港自西北來注之又

西南流經西甘澳

有礮臺

又西南流經蘇公澳

有礮臺

又西南流爲

甲子港入海

湖東港源出縣東南海甲山西南流經曲涌又西南分流繞大

林頭市復合又西南流經湖東汎

有礮臺

又西南流入海

奇石港源出縣東南元武山西南流經碣石衛城東南匯爲巨

澤西林水自西北來注之又西南流經田尾汎又西南流經崎

石港汎又西南流入海

縣東南海岸與惠來縣西南海岸以圭湖鄉分界西南為圭湖

汎又西南過七娘澳又西南過新鄉澳

下有暗沙礁石最為險隘

又西南過

東甘廢城又屈西北過西甘汎

海船可以寄旋

又西北過甲子港

有宋帝亭

有海關港口有印石港外有六十甲子欄怪石磷岫又有連城礁網尾礁虎屎礁雞屎礁浮沈出沒最為險隘

又屈西

過礮臺汎又西過山尾礮臺又西過鹿欄礮臺又屈西南過海

甲汎又西南過湖東汎又屈西北過湖東港

有湖東西礮臺

又屈西南

過三洲汎又屈西南過滴水汎又西南過淺澳礮臺東南海中

有東桔島西南海中有西桔島又屈西北過田尾汎又西北過

奇石港口

港口有暗沙港外有荊礁門限礁內浮線礁外浮線礁烏礁白礁奇石架立最爲險隘

又西北

過小靖汎又西北過金廂港

港口逼窄水淺港外海船可以寄碇

又西北過烏墩

汎又西北過烏墩港

有海關港口海船可以寄碇

又屈西過上英塘又西南

過大德港與海豐縣東南海岸分界

碣石海防軍民通判一員

駐碣石衛城

其屬大鄉一

石帆都四圖城東南六十里內有小村三十六曰碣石衛曰興

隆東社曰興隆西社曰興隆南社曰興隆北社曰海王廟社曰

可塘子社曰趙元帥社曰城隍廟社曰三光堂社曰跳龍門社

曰太安街社曰軍街社曰東關社曰雙柵門社曰太子廟社曰

七娘媽社曰大圍子社曰新街社曰小關社曰馬太媽町社曰

水巷口社曰打石廟社曰酉洞曰南竈曰圍子曰上林曰舍圍
曰下塋曰河公嶺曰十二岡曰小城曰城尾曰柵子曰大宮曰
金廂石有碣石衛城碣石城汎金廂石汎有委管小靖外場鹽
官有海關有北帝廟南濱大海

知縣一員

復設訓導一員

駐城內

石橋場鹽大使一員

駐碣石衛城

小靖場鹽大使一員

駐小靖鄉

甲子司巡檢一員

駐甲子所城

其屬大鄉四

石帆都一圖城東六十里內有小村三十六曰林邊曰淡政曰